

Namminersorlutik Oqartussat, Aalisarnermut, Piniarnermut, Nunalerinermut Imminullu Pilersornermut Naalakkersuisoqarfiup Piniarnermut Aallaaniarnermullu Immikkoortortaqarfia 1-mik AC-fuldmægtigissarsiorpoq - SAQQUMMIUTEQQITAQ.

Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmi Piniarnermut Aallaaniarnermullu Immikkoortortaqarfimmi AC-fuldmægtigi, pisuussutit uumassussillit pillugit ingerlatsinermik soqutigisalik ujartorneqarpoq.

Ulloq atorfiniffissaq: 1. august 2026-mi imaluunniit isumaqatigiissuteqarnikkut piaartumik. Issittumi nunami imarmilu miluumasut timmissallu pillugit aqutsineq soqutigisaraajuk? Aamma ilaatigut piniakkat killilersukkat killilersugaanngitsullu? Pisuussutinik uumassusilinnik aqutsineq asseqanngitsoq, aammalu Kalaallit Nunaanni imminut pilersornissamut pingaaruteqarluinnartoq. Nunami immamilu miluumasut kiisalu timmissat pillugit ingerlatsinermi eqqarsaatigisassarpassuit oqimaaqatigiissaarneqartussaapput, taamaattumillu ingerlatsinermi atuinerup, nungukkiartuutaanngitsumik ineriartortitsinerup ilisimasanillu katersuinerup akornanni oqimaaqatigiissaarinissaq ataqatigiissaarinissarlul qulakkeerneqassapput.

Suliassat

AC-fuldmægtig Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmi Piniarnermut Aallaaniarnermullu Immikkoortortaqarfimmi suleqataaneq. Piniakkanik killilersukkanik killilersugaanngitsunillu akisussaasuuneq, tamatumalu ilaatigut nassatarissavaa:

Kommunit attuumassuteqartut immikkoortortamilu suleqatit allat qanittumik suleqatigalugit piniakkat killilersukkat killilersugaanngitsullu pillugit aqutsinermik ineriartortitsineq ingerlatsinissamullu pilersaarummik suleqataalluni isumaginninneq, taakkununngalu ingerlatsinermi suliniutit siumut ingerlanissaannik qulakkeerisarneq, ukiumoortumik naliliisarneq aammalu ukiuni tulluuttuni aallutassanik tulleriiaarisarneq aallartitsisarnerlu ilaatinneqarput.

Piniakkat killilersukkat killilersugaanngitsullu pillugit illersuinermut piniarnermullu nalunaarutit pioreersut pilersitassallu inaarsarlugit nutarsarlugillu suliaqartarneq. Piniakkat killilersukkat killilersugaanngitsullu pillugit suliat saniatigut suliassanut politikkikkut oqallisigineqartut coalitionip isumaqatigiissutaata imarisai apeqqutaassapput, aammalu ingerlatsinermi ineriartortitsinermilu suliassani assigiinngitsorpassuarnut tunngasuussallutik:

Suliassat, killilersukkanik killilersugaanngitsunillu aqutsinermut ineriartortitsinermullu attuumassutillit, ilaatigut qaammarsaanerit, annertunerusumik pitsaanerusumillu pisaasimasunik atorluaanissaq:

- Ineriartortitsinermi sulianut attuumassutilinnut akisussaaneq aqutsinerlu, taassuma ataani piniarnermut atatillugu suliniutit illit pingaarnertut suliassaqaqfinnut tunngasut ataqatigiissarnissaat.
- Aalajangiinissamut tunngavissianik, innersuussutinik allagaqaatinillu suliaqarneq.
- Politikkikkut tulleriiaarinerit anguniagaasalu suliarineqarnerini suleqataaneq.
- Immikkoortortaqarfiup oqartussaaffiisa iluini tusarniaanernut akissuteqartarneq.
- Piniarneq aallaaniarnerlu pillugu inatsit ataatsimut isigalugu ingerlatsineq, taakkununngalu illit suliassaqaqfinnut tunngasut nalunaarusiornerit ilaallutik.

•Immikkoortorta qarfimmii suliat, naalakkersuiso qarfimmii pisortaanermut Naalakkersuisumullu saqqummiunneqartussat pitsaassusiinik qulakkeerisarnermut suleqataaneq.

Atorfik assigiinngitsorpassuarnik sammivilik matumani pineqarpoq, tassanilu immikkoortorta qarfimmii ikioqatigiittarpugut. Killiliussat sukannersut aallaavigalugit sulisarnissaq naatsorsuutigisariaqarpoq, taamaattumillu sulianik paasisimaarinnilluarsinnaassuseqarneq aammalu suliassat ingerlaavartumik tulleriiaarneqartassapput.

Piginnaaneqarfiit

Pisuussutiniq uumassusilinnik ingerlatsineq nuannarissavat, namminersorsinnaallutit eqaatsumillu aaqqiinnaallutit, nutaanik ilikkagaqarnissamut, ataqatigiissitsinissamut sulianillu paasisimaarinninnissamut piginnaaneqarlutit. Eqqissisimasuuvutit, unammiligassaqlutit kajumilertaputit, pisussaaffinnik naammassinnittaputit, tatiginartuuvutit isumalluartuullutillu. Siulliusarnissat aammalu sulianik naammassinnivissinnaanernik ataqqinaateqarnissat, pisortanullu pitsaanerpaatut tapersersuisinnaanissat pingaaruteqarpoq. Allakkat pitsaassusiinik qulakkeerisarneq aammalu ilaatigut kommunimut attaveqarneq suliassani pingaarutilinnut ilaammata, ileqqorissaarnissat, kiffartuussinissamik pingaartitsinissat aammalu oqaatsinik atuisinnaanermut attaveqateqarsinnaanermullu piginnaaneqarnissat pingaaruteqarpoq.

Tamatuma saniatigut naatsorsuutigaarput:

- Akademiskimik ilinniagartut ingerlaqqiffiusumik ilinniagaqarsimassasutit
- Qarasaasiakkut databasinillu paasissutissanik pikkoriffeqlutit
- Politikkikkut aalajangiisarnerni suliat ingerlasarnerinik paasisimasaqarsinnaasutit misilittagaqassasutillu, ajornanngippat atorfimmit assingusumit imaluunniit kandidatinngorniarnermi suliamik suliaqarsimaneq,
- Allakkianik, isummernissamut tunngavissianik tusagassiorfinnut nalunaarutiniq assigisaannillu – amerlanertigut piffissap sivikitsup iluani – allannissamik nuannarisaqassasutit
- Oqaasiliullaqqissuseqassasutit allassinnaassuseqarluassasutillu
- Oqaatsitigut piginnaaneqarluassasutit – ajornanngippat kalaallisut, danskisut tuluttullu
- Namminersorlutit sulisinnaassasutit nammineerlutillu suliniuteqarsinnaassasutit
- Suliassanik aaqqiinissamut akisussaaffimmik misigisimaninnik sakkortuumik takutitsisinnaassasutit
- Ulluinnaat ulapaarfiusut, taarseraattunik sammisaqarfiusut suliassaqarfiusullu nuannarissagitit
- Aaqqissuussamik sulisassasutit aammalu killiliussat malinnissaannut qulakkeerinissamut piginnaaneqarluassasutit
- Angusaqarnissamut piginnaaneqarluassasutit.
- Isumalluartuussasutit isumagissaartuussasutillu
- Inuit assigiinngitsorpassuit assigiinngitsunillu suliallit suleqatigisinnaassagitit
- Suliffeqarfimmii arlalinnik kultureqarfiusumi sulinissamut paasisimaarinnittuussasutit
- Inuiaqatigiinnik kalaallinik kulturiannillu ilisimasaqarluassasutit.

Kikkuuvugut?

Naalakkersuiso qarfimmii sulisut 45-t missaanniipput, immikkoortorta qarfinnut arfilinnut agguarsimasut: Aningaasaqarnermut Sulisoqarnermut, Nunalerinermut Imminullu Pilersornermut Immikkoortorta qarfik, Aalisarnermut ESU-mullu Immikkoortorta qarfik, Piniarnermut Aallaaniarnermullu Immikkoortorta qarfik, Inatsiseqarnermut Aningaasaqarnermullu Pilersaarusiornermut Immikkoortorta qarfik. Naalakkersuiso qarfiup ataaniippoortaaq Uumasuteqarnermut Inuussutissalerinermullu Oqartussaaffimmut Immikkoortorta qarfik (UMIO). Kiisalu Kalaallit Nunaanni Aalisarnermut Piniarnermullu Nakkutilliisoqarfik (KANUAPNA) Naalakkersuiso qarfiup ataani immikkut inissisimasoq,

sinerissami nunap immikkoortuini allaffeqarluni.

Suliffeqarfimmi nuannersunik suleqateqarfiusumi, pingaartorsiorfiunngitsunik pissuseqarfiusumi aammalu toqqissisimanissamik ineriartortitsinissamillu pingaartitsiviusumi suleqataalissaatit. Ulluinnarni Naalakkersuisoqarfimmi naleqartitatut tunngavissat ataatsimoorussat aallaavigalugit sulivugut, taakkunungalugu tunngaviupput:

- Sullissilluarneq
- Suleqatigiinneq
- Ilakkuminartuuneq kiffartuussinissamillu pingaartitsineq
- Sulianik pingaartitsineq.

Akissarsiat atorfeqarnermilu atugassarititaasut

Matumani atorfik AC-fuldmægtigitut inuttalerneqartussaq pineqarpoq.

Akissarsianut atorfeqarnermilu atugassarititaasunut, taakkunungalugu ilanngullugit atorfininnermut soraarnermullu atatillugu angalanissamut pequtinillu nassiussinissamut akiliunneqarsinnaatitaanermut piffissami atorfiniffiusumi Namminersorlutik Oqartussat aamma kattuffiup isumaqatiginninniarsinnaatitaasup ilaasortaaffigisap akornanni isumaqatigiissut tunngavigineqassaaq.

Ineqarneq

Atorfimmut atatillugu inimik innersuussisoqanngilaq.

Annertunerusunik paasisaqarusuppit?

Saqqummiussaq pillugu paasissutissanik annertunerunik pissarsisoqarsinnaavoq immikkoortortaqaqarfimmi pisortaq Amalie A. Jessen, oqarasuaat +299 34 53 04-mut, e-mail: amalie@nanoq.gl saaffigalugu.

Qinnuteqaat oqaloqatiginninnissallu

Qinnuteqaat, CV, ilinniakkanut pikkorissarnernullu uppersarsaatit, kiisalu allagaatit attuumassutillit "Qinnuteqaat nassiuguk" toorlugu nassiunneqassapput. E-mail-ikkut qinnuteqaatinik tigusineq ajorpugut.

Atorfinitsitsinissamut atatillugu ingerlaavartumik oqaloqatiginnittoqartassaaq.